

Tabung Kuin terima RM100,000

Sumbangan Affin Islamic diharap dapat tingkatkan kecemerlangan pelajar

ROSLINDA HASHIM

ALOR SETAR - Kolej Universiti Insaniah (Kuin) membuat permohonan kepada Kementerian Keuangan dan Lembaga Hasil Dalam Negeri (LHDN) supaya penyumbang kepada Tabung Yayasan Insaniah (Insaniah Endowment Fund atau Insef) dikecualikan cukai pendapatan.

Menteri Besar, Datuk Seri Azizan Abdul Razak yang juga Pengurus Kuin berkata, pengecualian ini dicadangkan untuk menarik lebih ramai penyumbang kerana setakat ini tabung pendidikan itu hanya mampu meraih dana sebanyak RM50,000.

"Saya harap selepas ini lebih banyak pihak tampil

menyumbang kepada Insef. Wang ini akan digunakan bagi membantu kira-kira 1,000 pelajar asing yang belajar di Kuin," katanya, ketika menyaksikan majlis penyerahan cek zakat RM100,000 daripada Affin Islamic Bank Berhad (Affin Islamic) kepada Tabung Yayasan Insaniah (Kuin), di Seri Mentaloon, semalam.

Cek disampaikan Ketua Pegawai Eksekutif Affin Islamic, Kamarul Ariffin Mohd Jamil kepada Rektor Kuin, Profesor Datuk Wira Dr Jamil Osman.

Azizan berkata, antara usaha untuk menambah dana tabung itu ialah dengan menyarankan kepada syarikat-syarikat berkaitan kerajaan Kedah (GLC) un-



■ Azizan menyaksikan penyerahan cek RM100,000 kepada Tabung Yayasan Insaniah.

tuk menyumbang zakat kepada Insef, selain berharap mendapat sumbangan daripada institusi perbankan tempatan.

Menurutnya, sehingga kini jumlah pelajar Kuin mencecah 7,000 orang.

Sementara itu, Kamarul Ariffin berkata, Affin

Islamic memperuntukkan RM1.1 juta daripada RM5 juta zakat pendapatannya tahun ini untuk sektor pendidikan, manakala se-

lebihnya disalurkan kepada lapan asnaf yang layak.

"Lebih RM311,000 dikeluarkan untuk tujuan pendidikan, baki RM700,000 diagihkan kepada institusi pengajian tinggi di seluruh negara, termasuk RM65,000 bagi penganjuran program berkaitan pendidikan dan forum Islam," katanya.

Menurutnya, wang zakat turut digunakan untuk membina 300 rumah untuk golongan miskin di seluruh negara termasuk 49 di Kedah.

"Sebagai sebuah Bank Islam di negara ini, Affin Islamic berharap wang zakat itu dapat digunakan untuk membantu pelajar kurang mampu beroleh kecemerlangan," katanya.